

REGIONALNI STAMBENI PROGRAM - RSP

Broj: 04-36-1-134- 8617/13

Datum: 10.08.2018. godine.

Na osnovu člana 70. stav (1) i (3) Zakona o javnim nabavkama – u daljem tekstu: Zakon („Službeni glasnik BiH“, broj: 39/14) i Rješenja o ovlaštenju federalnog ministra raseljenih osoba i izbjeglica, broj: 04-36-1-134-8551-1/13 od 02.07.2018. godine, a na Preporuku Komisije za javne nabavke, imenovane Rješenjem broj: 04-36-1-134-8508-2/13 od 12.06.2018. godine, Projekt Menadžer **d o n o s i**

O D L U K U

**O IZBORU NAJPOVOLJNIJEG PONUĐAČA -
usluge nadzora nad izvođenjem građevinskih radova rekonstrukcije/izgradnje 30 stambenih
jedinica u općinama: Bosansko Grahovo, Drvar, Bosanski Petrovac i Gornji Vakuf-Uskoplje
u okviru Regionalnog stambenog projekta - RSP,
BiH2 Pod-projekta, 02/17-RSP BH2**

I

U cilju odabira najpovoljnijeg ponuđača, nakon provedenog Konkurentskog zahtjeva za dostavu ponuda u postupku javne nabavke usluga - usluge nadzora nad izvođenjem građevinskih radova rekonstrukcije/izgradnje 30 stambenih jedinica u općinama: Bosansko Grahovo, Drvar, Bosanski Petrovac i Gornji Vakuf-Uskoplje u okviru Regionalnog stambenog projekta - RSP, kao najbolje ocijenjena prihvatljiva ponuda je ponuda ponuđača: **INSTITUT ZA GRAĐEVINARSTVO "IG" BANJA LUKA, sa ukupnom cijenom ponude, bez PDV – a, u iznosu od 13.299,90 KM.**

II

Ponuđač iz tačke I ove odluke ocijenjen je kao najpovoljniji, jer ispunjava sve uslove postavljene tenderskom dokumentacijom, a u skladu sa kriterijem za dodjelu ugovora, ponudio je najnižu cijenu.

III

Dokaze o kvalifikaciji ponuđača, ponuđač je obavezan dostaviti u roku od 5 (pet) dana od dana obavještenja ponuđača o rezultatima postupka, u skladu sa odredbama tenderske dokumentacije.

IV

Odluka stupa na snagu danom donošenja i objavit će se na web stranici Federalnog ministarstva raseljenih osoba i izbjeglica, u skladu sa članom 70. stav (6) Zakona, istovremeno s upućivanjem iste svim ponuđačima koji su učestvovali u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka nabavke, broj: 04-36-1-134-8508/13 od 29.05.2018. godine. Javna nabavka provedena je putem konkurentskog zahtjeva za dostavu ponuda. Ukupna procijenjena vrijednost nabavke iznosila je 21.613,00 KM. Obavijest o nabavci, broj: 668-7-2-23-3-33/18 poslana je na objavu 29.05.2018. godine, te je zajedno sa tenderskom dokumentacijom istog dana objavljena na portalu javnih nabavki.

Dva ponuđača dostavila su ponude u predmetnom postupku nabavke. Obe ponude dostavljene su blagovremeno. Ponude su dostavili sljedeći ponuđači: Institut za građevinarstvo „IG“ Banja Luka i Vizija d.o.o. Sarajevo.

Komisija za javne nabavke, imenovana Rješenjem, broj: 04-36-1-134-8508-2/13 od 12.06.2018. godine, izvršila je pregled i evaluaciju prispijelih ponuda i konstatovala da od ukupno dvije dostavljene ponude, ponuda ponuđača Institut za građevinarstvo „IG“ Banja Luka ocijenjena je prihvatljivom za ugovorni organ, a ponuda ponuđača Vizija d.o.o. Sarajevo odbačena je kao neprihvatljiva.

Nakon izvršenog pregleda i evaluacije ponuda, Komisija je dostavila Projekt menadžeru Zapisnik o pregledu i ocjeni ponuda, broj: 04-36-1-134-8615/13 od 06.08.2018. godine zajedno sa Preporukom da se donese Odluka o izboru najpovoljnijeg ponuđača INSTITUT ZA GRAĐEVINARSTVO "IG" BANJA LUKA, sa registriranim sjedištem na adresi u ul. Kralja Petra I Karađorđevića 92-98, Grad Banja Luka, ID broj: 4400918310005, za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispijelih ponuda, shodno postavljenim uslovima iz tenderske dokumentacije i kriterijem za dodjelu ugovora. U postupku ocjene provedenog postupka, Projekt menadžer nije našao razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove Odluke, svaki od ponuđača koji je učestvovao u postupku nabavke, može izjaviti žalbu Uredu za razmatranje žalbi Bosne i Hercegovine, putem ugovornog organa Federalnog ministarstva raseljenih osoba i izbjeglica, u pisanoj formi direktno ili preporučenom poštanskom pošiljkom, u roku od 5 (pet) dana od dana prijema ove odluke. Žalba se podnosi u najmanje 3 (tri) primjerka.

Dostaviti:

- Svim učesnicima u postupku
- Web stranica Ministarstva
- Grupa poslova za javne nabavke
- a/a



PO OVLAŠTENJU MINISTRA

Projekt menadžer

MA dipl.ing.arh Azra Smječanin